

Samningur

mennta- og menningarmálaráðuneytis við Fisktækniskóla Íslands

Mennta- og menningarmálaráðuneyti, kt. 460269-2969, í samningi þessum nefnt *ráðuneytið*, og Fisktækniskóli Íslands ehf., kt. 620709-1310, í samningi þessum nefndur FTÍ, gera með sér svofelldan samning.

1. Markmið og starfsemi/verkefni

1.1. Meginmarkmið með samningi þessum er :

- Kennsla sjávarútvegsgreina á staðfestum brautum samkvæmt lögum um framhaldsskóla.
- Að skólinn bjóði nám á staðfestri námsbraut í fisktækni á öðru hæfniprepí og áframhaldandi námi með námslok á þriðja hæfniprepí.
- Að skólinn þrói áframhaldandi sjávarútvegsnám tengt fisktæknibrautinni þannig að í boði verði staðfest samfellt sjávarútvegsnám með námslok á 2. og 3. hæfniprepí. Miðað er við að skólinn skipuleggi námsbrautalýsingu og fái hana staðfesta skv. lögum nr. 92/2008 um framhaldsskóla árið 2022.
- Tryggja framgang stefnu sbr. fjármálaáætlun 2021-2025 á málefnaviði 20 – Framhaldsskólastig í málaflokki 20.1 – Framhaldsskólar.

1.2. Starfsemi/verkefni:

- Skólinn veitir nemendum og kennurum þjónustu og aðbúnað sem er nauðsynleg vegna kennslu staðfests náms í sjávarútvegsgreinum.
- Miðað er við að árlegur fjöldi nemenda í sjávarútvegsgreinum sé 42 nemendur og er þá miðað við ígildi nemanda í fullu námi. (ársnemandi)
- Ársnemandi er sá sem skilar 30 einingum á önn.
- Starfa samkvæmt skólanámskrá sem skal vera í samræmi við ákvæði laga um framhaldsskóla og staðfesta braut í fisktækni.
- Kennsla samkvæmt samningi þessum skal fara fram í húsnæði sem uppfyllir faglegar kröfur til kennslu í sjávarútvegsgreinum og fiskeldi.
- FTÍ mun á samningstímanum innleiða aðferðir til að meta árangur og gæði skólastarfsins í samræmi við 41. gr. laga um framhaldsskóla.

1.3. Réttindi og skyldur nemenda

- Réttindi og skyldur nemenda skulu vera sambærileg ákvæðum í almennum hluta aðalnámskrár framhaldsskóla og skulu útfærð og birt í skólanámskrá.
- Skólinn skal kynna nemendum og hafa á vefsíðu sinni greinargóðar upplýsingar um réttindi og skyldur nemenda, þar á meðal leiðbeiningar um málskotsrétt þeirra, gjaldtökureglur, fyrirkomulag náms, skólanámskrá og próftökureglur.
- Innritun nemenda er á ábyrgð skólans sbr. 32. gr. framhaldsskólalaga.
- Skólinn heldur rafrænt nemendabókhald sem getur látið miðlægu kerfi opinberra framhaldsskóla í té nöfn og kennitölur nemenda skólans, skráningu þeirra í áfanga, einkunnir þeirra og skólasókn, á hverri önn, samanber reglugerð um upplýsingaskyldu framhaldsskóla um skólahald, aðra kerfisbundna skráningu og meðferð persónuupplýsinga um nemendur nr. 235/2012.
- Innheimti skólinn gjald af nemendum vegna þeirrar þjónustu sem samningur þessi fjallar um skal ástæða gjaldtöku útskýrð og birt ásamt gjaldskrá á áberandi stað á vef hans. Ætli skólinn að hækka gjöld umfram verðlagshækkun eða leggja á ný gjöld skal hann fyrst óska

1
LMA 6/20

eftir samþykki ráðuneytisins. Verði hækkun samþykkt skal skólinn kynna þær fyrir nemendum með góðum fyrirvara og útskýra ástæður hækkunar.

2. Forsendur samnings og lagaheimildir

- 2.1. Samningur þessi er gerður með fyrirvara um samþykki fjármála- og efnahagsráðherra skv. 1. mgr. 40. gr. laga nr. 123/2015 um opinber fjármál.
- 2.2. Ráðuneytið gerir samning þennan á grundvelli heimildar í 40. gr. laga um opinber fjármál nr. 123/2015 og 3. mgr. 44. gr. laga um framhaldsskóla nr. 92/2008.
- 2.3. FTÍ rekur framhaldsskóla sem skal starfa í samræmi við lög um framhaldsskóla, að undanskildum II. kafla laganna, reglugerðir og önnur stjórnvaldsfyrirmæli sem ráðuneytið gefur út á grundvelli þeirra.
- 2.4. FTÍ skal hafa gilda viðurkenningu skv. 12. gr. framhaldsskólalaga.
- 2.5. FTÍ skal starfa á framhaldsskólastigi samkvæmt samþykktum félagsins dagsettum 4. nóvember 2010 sem ráðuneytið hefur fallist á sem eina af forsendum samnings þessa.
- 2.6. FTÍ starfar í samræmi við lög og reglugerðir sem eiga um umsamda starfsemi og verkefni, en einnig, eftir því sem við á eftir lögum og reglugerðum um rekstur aðila sem ekki eru ríkisaðilar en veita opinbera þjónustu sem er kostuð að verulegu eða öllu leyti af framlögum ríkisins. Eftirfarandi lög og reglugerðir kunna því að eiga við:
 - Lög um opinber fjármál nr. 123/2015.
 - Aðalnámskrá framhaldsskóla.
 - Lög um framhaldsskóla, nr. 92/2008.
 - Lög um opinber innkaup nr. 120/2016.
 - Upplýsingalög nr. 140/2012.
 - Stjórnsýslulög nr. 37/1993.
 - Lög um ríkisendurskoðanda og endurskoðun ríkisreikninga nr. 46/2016.
 - Samkeppnislög nr. 44/2005.
 - Lög um persónuvernd og vinnslu persónuupplýsinga nr. 90/2018.
 - Lög um opinber skjalasöfn nr. 77/2014.

3. Framlag

- 3.1. Heildarskuldbinding samningsins er 355 m.kr. og árlegt framlag ríkisins er 71 m.kr. á samningstímanum.
- 3.2. Framlag ríkisins skv. samningi þessum tekur breytingum samkvæmt verðlagsuppfærslu fjárlaga.
- 3.3. Leiði nemendauppgjör í ljós að ársnemendur eru færri en 32 á ári, getur ráðuneytið krafist endurgreiðslu á framlagi sem nemur 1,69 m.kr. fyrir hvern nemanda sem upp á kann að vanta.
- 3.4. Framlag í samningi þessum kemur frá málaflokki 20.1 - Framhaldsskólar og fellur undir stefnu ráðherra á málefnaðsviði 20 – Framhaldsskólastig sbr. 20. gr. laga um opinber fjármál nr. 123/2015.
- 3.5. Gerður er fyrirvari um að stjórnvöld kunna að ákveða aðhaldsaðgerðir við samþykkt fjárlaga og á FTÍ ekki kröfu á ríkissjóð eða rétt á bótum þótt framlag til samningsins verði lækkað eða fellt niður. Séu gerðar almennar aðhaldskröfur af hálfu ríkisins til málaflokkks 20.1 er heimilt að gera sömu kröfur til aðhalds í rekstri verkefna sem fellur undir málaflokk 20.1 og hjá FTÍ.
- 3.6. Fjárhagsleg ábyrgð ríkisins vegna rekstrarverkefnisins takmarkast við þær fjárhæðir sem eru í samningnum.
- 3.7. Framlagið er greitt með mánaðarlegu framlagi.

4. Ábyrgð Fisktækniskólans

- 4.1. FTÍ ber ábyrgð á að þjónusta við nemendur sé fagleg og fullnægi kröfum um gæði og sé í samræmi við lög. Hann skal geta lagt fram gögn og skýrslur um innra mat, skv. 40. og 41. gr. framhaldsskólolaga, því til staðfestingar.
 - 4.2. FTÍ ber ábyrgð á úrlausn mála gagnvart nemendum, starfsmönnum sínum, birgjum og ráðuneytinu.
 - 4.3. FTÍ á rétt á að kaupa þjónustu af verktökum vegna afmarkaðra þátta í rekstri skólans, en slík kaup leysa hann þó ekki undan ábyrgð á framkvæmd samningsins. Skal ekki gera minni kröfur til verktaka en gerðar eru til skólans í samningi þessum.
 - 4.4. FTÍS ber að gæta þess að útgjöld séu í samræmi við tekjur og gæta ráðdeildar í rekstri. Tekjum sem verða til í tengslum við samninginn er einungis heimilt að verja til þeirrar þjónustu sem hann nær til.
- FTÍ er óheimilt að:
- Efna til óvenjulegra ráðstafana í fjármálum eða skuldbindinga sem verulegar líkur eru á að stofni framkvæmd samningsins í hættu eða bitni á námi og nemendum sem samningurinn tekur til.
 - Veita önnur lán en þau sem tengjast rekstri skólans. Lán skulu ekki vera með lakari kjörum en almennt gilda í sambærilegum viðskiptum.
 - Afhenda, án skriflegs samþykkis ráðuneytisins, réttindi sín og skyldur samkvæmt samningi þessum í hendur þriðja aðila.
 - Framselja, án skriflegs samþykkis ráðuneytisins, greiðslur skv. samningi þessum til þriðja aðila og setja með öðrum hætti til tryggingar fjárvkuldbindingu skv. 45. gr. laga nr. 75/1997 um samningsveð.
 - Greiða út arð til hluthafa eða lækka hlutafé með endurkaupum.
 - Að endurgreiða víkjandi lán það sem endurskoðandi telur með eigin fé í bréfi til ráðuneytisins þann 29. desember 2020, nema að fengnu samþykki ráðuneytisins.
- 4.5. Auk lögboðinna trygginga kaupi skólinn frá upphafi samnings aðrar nauðsynlegar skaðabóta- og vátryggingar vegna rekstrarins þar á meðal vegna tjóns, sem veldur því að rekstur hans stöðvast.

5. Upplýsingar, samskipti og eftirlit vegna fjármála og verkefna

- 5.1. Ráðuneytið hefur eftirlit með framkvæmd samningsins.
- 5.2. FTÍ skilar ráðuneytinu:
 - Áætlun um rekstur ásamt starfsáætlun, þar sem fram komi m.a. helstu starfsmarkmið sem unnið verður að, fyrir lok febrúar ár hvert.
 - Greinargerð um framkvæmd samningsins, hver staða verkefna er og hvernig framlagi var ráðstafað í samanburði við áætlun, fyrir lok febrúar ár hvert.
 - Hálfs árs uppgjör fyrir lok september ár hvert.
 - Endurskoðaðan ársreikning ársins á undan með skýringum, fyrir lok mars ár hvert.
- 5.3. Eigi FTÍ í viðskiptum við lögaðila sem það á eignarhluta í eða er í eigu fjárhagslegra tengdra aðila svo sem stjórnenda hans, eða annarra aðila, skulu þau fara fram á viðskiptalegum forsendum og gerð grein fyrir þeim í ársreikningi.
- 5.4. Fulltrúar ráðuneytis og FTÍ funda að lágmarki árlega um samninginn að frumkvæði ráðuneytisins.
- 5.5. FTÍ veitir ráðuneytinu upplýsingar sem það kallar eftirlits með framkvæmd samningsins eða vegna opinberrar upplýsingagjafar. Ráðuneytið hefur heimild til að gera sjálft eða fela öðrum að gera athuganir og úttektir á öllum eða einstaka þáttum í framkvæmd samningsins. Í því sambandi hefur það óheftan aðgang að öllum gögnum sem máli skipta, þar á meðal fundargerðum, skrám, fylgiskjölum, skýrslum, bókum og bréfum.

Vat
OK
3

5.6. Samning þennan, ársreikning FTÍ, greinargerð um framkvæmd samnings og úttektarskýrslur skal birta á vef FTÍ jafnóðum og þessi gögn liggja fyrir. Ráðuneytinu er heimilt að birta gögnin á vef sínum.

5.7. FTÍ setur á vefsíðu sína ýmis gögn sem eru efnislegar afurðir samningsins, svo sem skýrslur, fræðsluefnir og leiðbeiningar.

6. Vanefndir og meðferð ágreinings

6.1. FTÍ tilkynnir ráðuneytinu tafarlaust ef það telur vafa leika á um að það geti uppfyllt skyldur samkvæmt samningnum. Jafnframt greinir stofnunin frá úrræðum sem hún hyggst grípa til.

6.2. Ráðuneytinu er heimilt að rifta samningi þessum, draga úr greiðslum, stöðva greiðslur og endurkrefja um greiðslur uppfylli FTÍ ekki skyldur sínar samkvæmt samningi þessum.

6.3. Samningsaðilar munu leitast við að jafna ágreining, ef einhver er, sín á milli.

6.4. Dómsmál sem rísa kann út af samningi þessum skal rekið fyrir Héraðsdómi Reykjavíkur.

7. Bókhald og fjárreiður

7.1. Halda skal fjárreiðum og reikningshaldi FTÍ vegna samnings þessa aðgreindu frá öðrum fjárreiðum, bókhaldi og eignum FTÍ.

7.2. Að því leyti sem skólinn fæst við önnur verkefni en felast í framkvæmd þjónustusamnings þessa skal gera grein fyrir fjárreiðum þeirra í ársreikningi FTÍ.

7.3. Á samningstíma skal skólinn viðhalda fullnægjandi lánsþæfismati þ.e. að viðhalda veltufjárlutfalli upp á 1 eða hærra.

8. Gildistími og lok samnings

8.1. Samningurinn gildir frá 01.08.2021 til 31.07.2026.

8.2. Hvor aðili um sig getur óskað eftir því að einstök ákvæði samnings þessa eða samningurinn í heild verði tekinn til endurskoðunar, enda séu færð fyrir því efnisleg rök. Endurskoðun skal þá hefjast svo fljótt sem verða má.

8.3. Hálfu ári áður en samningi lýkur mun ráðuneytið framkvæma úttekt á framkvæmd hans sbr. 20. gr. reglugerðar nr. 643/2018.

8.4. Óski annar hvor aðila eftir að segja samningnum upp skal það gert skriflega með þriggja mánaða fyrirvara.

8.5. Samningur þessi er gerður í þremur samhljóða eintökum og heldur hvor samningsaðili einu eintaki og fjármála- og efnahagsráðuneytið einu.

Reykjavík 19. nóvember 2021

Mennfa- og menningarmálaráðherra
Lilja D. Alfreðsdóttir

f.h. Fisktekniskóla Íslands ehf.